



Pou Piblikasyon Imedya: 22/07/2022

GOUVÈNÈ KATHY HOCHUL

GOUVÈNÈ HOCHUL ANONSE LANSMAN NOUVO TABLODBÒ SOU ENTÈNÈT POU OGMANTE AKSÈ NAN DONE SOU CHOMAJ

Tablodbò estatik sou chomaj nan reyon lokal la disponib [isit la](#), li bay done mansyèl ak anyèl sou travay ak chomaj

Tablodbò sou asirans chomaj la disponib [isit la](#), sa gen ladan done chak semèn sou reklamasyon ak benefis chomaj

Nouvo tablodbò yo sipòte angajman tout eta a pou transparans done, efò modènizasyon aktyèl

Gouvènè Kathy Hochul te anonse jodi a lansman de novo tablodbò entèraktif sou entènèt ki fèt pou amelyore done sou chomaj pou tout Nouyòkè yo. Tablodbò [Estatistik Chomaj Reyon Lokal la](#), yon efò konjwent ant Eta New York ak Biwo Estatistik Travay Etazini, bay done mansyèl ak anyèl sou travay, chomaj, popilasyon aktif, ak to chomaj, pou Eta New York, reyon mache travay, zòn metropolis, konte, reyon envestisman mendèv, ak minisipalite ki gen omwen 25,000 moun. Tablodbò [Asirans Chomaj](#) gen done chak semèn sou benefis yo peye, benefisyè yo, ak premye reklamasyon yo ki klase selon reyon, endistri ak pwogram. Done pou tablo UI (Asirans Chomaj) a disponib pou 10 reyon mache travay Eta New York, ansanm ak rezidan yo andeyò eta a ki te travay nan New York epi ki kalifye pou benefis UI New York.

"Administrasyon mwen an te angaje nan transparans depi nan kommansman an, epi nou pral kontinye bay avansman priyorite ki pèmèt Nouyòkè yo aprann sou sa gouvènman an yo ap fè pou yo", **Gouvènè Hochul te deklare**. "Nan mete nouvo tablodbò Depatman Travay sa yo disponib pou publik la, sa pral senplifye pwosesis la epi pèmèt Nouyòkè yo jwenn done rapid ak fasil. Sa pral bay Nouyòkè yo yon imaj klè sou fason mache travay nou an ap fonksyone".

Distribisyon done sa yo pral ede pi byen konekte Nouyòkè yo avèk resous ak sipò yo bezwen. Done sa yo gen yon varyete lejislatè, ekspè endistri, ak lòt pati konsène ki itilize yo ki pral benefisyè pi gwo aksè. Li pral enfòme epi ede detèmine elijibilite pou pwogram asistans federal ki benefisyè Eta New York. Estimasyon yo pral enfòme tou pwosesis bidjè eta ak lokal yo. Endistri prive, chèchè yo, medya a, ak lòt moun itilize

done yo pou evalye kondisyon mache travay lokal la epi fè konparezon atravè [zòn jewografik yo.](#)

Komisè Depatman Travay Eta New York la, Roberta Reardon, te deklare, "Nouvo tablodbò done inovatè sa yo pral non sèlman sipòt objektif alontèm nou an pou plis transparans, men yo pral amelyore tou aksè nan done pou gwoup gouvènman Eta a, lokal ak federal yo, ansanm ak sitwayen prive ki gen aksè nan done yo pou rapòte oswa evalye kondisyon mache travay la. Inisyativ tankou sa yo transpòte Eta New York alavni, epi montre kijan inovasyon teknolojik kapab pwogrese plis atravè Eta nou an epi chanje lavi moun n ap sèvi yo".

Nouvo tablodbò sa yo fè pati yon efò kontinyèl pou modènize sistèm ak pwosesis Depatman Travay Eta New York, ogmante transparans done yo atravè depatman an epi amelyore eksperyans kliyan an jeneral. Nan mwa mas, Gouvènè Hochul te devwale [Estatistik Travay Aktyèl yo](#) ak tablodbò [Estatistik Travay Okipasyonèl ak Salè yo](#), ki bay Nouyòkè yo plis aksè a enfòmasyon ak tandans done aktyèl yo. Nan mwa jen, Gouvènè a te anonse ke NYSDOL te rive nan mwatye nan [Plan Eqzekisyon Teknolojik](#) 4 ane li a, avèk devlopman amelyorasyon pou ede ajans lan reyalize objektif li pou jere 100% demann kliyan yo.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418